

جریدہ علمیہ

مشیت جلیلمہ اسلامیہ نمک جریدہ رسمیہ پیدر

ربیع الاول ۱۳۳۵

عدد: ۲۹

آیدہ بر نشر اولنور

اوپنچی سنہ

فتاویٰ شریفہ

خیار بلوغ

ہند بکر صغیرہ بی ولی اقربہ اناسی زینب کفوی زیدہ مهر مثلہ تزویج ایتد کد نصکرہ۔
ہند بالغہ اولوب عقدہ عالمہ اولدقدہ سکوت ایدوب نفسی اختیار ایتماسہ ہند برآی
مرورنده عقد مزبوری خیار بلوغلہ فسخ ایتدرمکہ قادری اولورمی الجواب : اولماز

☆
☆ ☆

ہند صغیرہ بی ولی اقربہ لابوین عینی زیدہ مهر مثلہ کفوی عمروہ تزویج ایلہ
ہند بالغہ اولدینی آندہ نفسی اختیار واشہاد ایدوب عمروک حضورندہ عقد مزبوری
حاکمہ فسخ ایتدرمکہ قادری اولورمی الجواب : اولور

☆
☆ ☆

مہر

زید ہندی برمعین ملک منزلی ایلہ باغچہ سی وشوقدر اشیاء معینہ سی مهر معجل اولق
اوزرہ تزویج ایتد کد نصکرہ زید فوت اولسہ ہند اول منزل وباغچہ واشیائی آلمخہ
قادری اولورمی الجواب : اولور

☆
☆ ☆

زید صحتندہ ہندی شوقدر غروش مهر ایلہ تزویج ایدوب قبل الدخول زید فوت اولسہ
ہند ترکہ زیددن مہرنی تماماً الملق ایستدکدہ سائر ورثہ مجرد قبل الدخول فوت اولمغلہ
مہرک انحق نصفی ویررز دیمکہ قادری اولورمی الجواب : اولماز

☆
☆ ☆

زید هندی شوقدر اچہ مهر تسمیہ سیلہ تزوج ایتد کد نصکرہ نکاح قائم ایکن زید
سختندہ هندک مہری اوزرینہ شوقدر اچہ زیادہ هند دخی قبول ایدوب بعدہ زید فوت
اولسہ هند ترکہ زیددن مهر مسمی وزیادہ بی المغہ قادریہ اولورمی الجواب: اولور

★
★ ★

مہرونفقہ

زید زوجہ مدخول بہاسی ہندی تطلیق ایدوب عدتی ایچندہ هندک خالہ سی زینبی
شوقدر غروش مهر تسمیہ سیلہ تزوج ووطی ایتد کد نصکرہ تطلیق ایلسہ زینب مهر
مثل ایلہ مسہادن اقلنی زیددن آلمغہ قادریہ اولورمی الجواب: اولور

بو صورتدہ زینب زیددن نفقہ عدت نامنہ نسنہ آلمغہ قادریہ اولورمی الجواب: اولور

★
★ ★

طلاق

زید زوجہ مدخول بہاسی ہندہ خطاب ایدوب عورت بن سنی بوشادم بوشادم
دیسہ هند زیددن اوچ طلاق بوش اولورمی الجواب: اولور

★
★ ★

زید زوجہ مدخول بہاسی ہندہ خطاباً سنی المامق شرطیلہ بوشادم دیسہ واقع اولان
طلاق رجہی اولیوب باین اولورمی الجواب: اولور

★
★ ★

تحليل

زید زوجهٔ مدخول بهاسی هندی اوچ طلاقه تطلیق ایدوب بعد انقضاءالعهده هند نفسی عمروه تزویج ایدوب بعده عمرو هندی تطلیق ایتد کدنصکره برمدت مرورنده هند نفسی زیده تزویج مراد ایدوب عمرو با که داخل اولدی دید کده عمرو هندی تکذیب ایدوب لکن زید هندی تصدیق ایلسه قول هندک اولوب زیده حلال اولورمی

الجواب : اولور

★ ★

نفقه

هند معسره نك زوجی زید دخی معسر اولدقده هندک زوج آخردن اوغللری عمرو و بکر و بشر موسر لر زیدک حال یسارنده زیده رجوع ایتمک اوزره هنده اقراض ایله امر اولملری لازم اولورمی الجواب : اولور

★ ★

زوجی اولیان هند فقیره نك اوغلی زید وقزی زینب و لابوین ار قرنداشی بکردن غیری کسنه سی اولیوب لکن زید وزینب معسر لر اولوب بکرموسر اولسه هندک نفقه سی زید وزینب اوزرلرینه لازمه اولیوب یالکز بکر اوزرینه لازمه اولورمی الجواب : اولور

★ ★

رضاع

زید صغیر اغلقدده مرضعه اولیوب مه سنک سودی اولیان هند زیدی اسکات ایچون مه سنی زیدک آغزینه ادخال ایدوب مص ایتد کده سود کلاسه مجرد هند مه سنی آغزینه ادخال ایتمکله حکم رضاع ثابت اولوب زید هندک رضاا اوغلی اولمش اولورمی

الجواب : اولور

★ ★

خلع

هند زوجی زید ایله زیددن اولان اوغلی عمرو صغیری زیده تسلیم ایتک اوزره
خلع اولسه خلع مزبور صحیح اولورمی الجواب: اولور
بو صورتده هند عمروی بحق الحضانه امساك ایدوب زیده ویرمامکه قادره اولورمی
الجواب: اولور

★
★ ★

وقف مریض

زید مرض موتنده ملک منزلی بر جهته وقف وتسلیم الی المتولی ایدوب تسجیل
شرعی ایتدرد کدنصکره زید قوت اولوب ثلث مساعد اولماسه ورثه سی ثلث مساعد
اولمادینی مقدارده وقفی طوماتمه قادر اولورلرمی الجواب: اولور

★
★ ★

تولیت

بروقفك مشروطیت اوزره متولیسى اولان زیدك وقفه خیاتی ظاهره اولمقله عزل
اولنوب یرینه عمرو متولی اولوب بعده برسنه مرور ایدوب زیدك تمام صلاح واستقامتی
عندالشرع الانور بر نهج شرعی ظاهر اولسه حاکم تولیتی زیده اعاده وتوجیه ایتکه قادر
اولورمی الجواب: اولور

★
★ ★

ماقول شیخ الاسلام دام بابه مرجعا للانام
فی متول شرط الواقف له تولية وقفه وعزله القاضی بثبوت خیانته ثم تقدم المعزول
الی القاضی بعد مضي سنة وقررانه رجوع عما كان واناب الی ربه المتان ودام علی الصلاح
والاستقامة وصار اهلا للتولية فهل يجب علی القاضی اعاده التولية الیه اذا ثبت عنده
ماقرره علی الوجه الشرعی ام لا الجواب: نعم يجب

★
★ ★

صوژ کیمکدر

زید فوت اولوب زوجہسی ہندی وسائر ورثہسنی ترک ایتدکده زید ایله ہندک
ساکن اولدقلری منزله بولوب رجال ونسایہ صالحہ اولان اشیا ایچون ہند بنمدر
دیوب وسائر ورثہ زیدکدر دیوب طرفینک بینہلری اولماسہ قول ہندک اولورمی
الجواب : اولور

★
★ ★

بیعہ وکیل

زیدملک دکانی بیعہ عمروی توکیل ایلسہ عمرو دکانی آخرہ بیعہ ایتیموب نفسیچون
شرایہ قادر اولورمی الجواب : اولور

★
★ ★

اجرت

بر مسجدده یومی یکرمی بش اچہ وظیفہ ایله امام اولان زید فوت اولوب امامت
زیدک صغیر اوغلی عمروه توجیہ اولنمغله صغیرک وصیسی بکر بشری امامت خدمتی ایتک
اوزره یومی بش اچہیہ استیجار ایدوب بشر دخی برمدت امامت خدمتی ادا ایتدکن
صکرہ خدمت مزبورہ مقابلہسندہ تعیین اولنان وظیفہنک جملہسنی بکر متولیدن آلسہ
بشراجر مسایي بکردن آلمغہ قادر اولورمی الجواب : اولور

★
★ ★

رشد

زید صغیرہ قاضی عمروی وصی نصب ایتدکن صکرہ زید رشید اولدینی حالدهبالغ
اولدقدہ عمروک یدندہ اولان مالی عمرودن آلمغہ قادراولورمی الجواب : اولور

بو صورتده زید بالغ ورشید اولدقدن صکره بعض اشیاسنی بکره بیع ایلسه مجرد
رشدمه حکم شرعی اولدین واقع اولان بیع صحیح اولمامغله اشیاء مزبورده بی بکردن
آلورم دیمکه قادراولورمی الجواب : اولماز

★
★ ★

زید محتندہ ملک منزلی زوجہ سی ہندہ و آخر منزلی زوجہ اخرا سی زینہ ہبہ و تسلیم
ایند کد نصکرہ زید فوت اولسه زیدک قزلری ہبی طو تمامغہ قادره اولورلرمی
الجواب : اولماز

★
★ ★

زید بر زبون آتی عمروہ ہبہ و تسلیم ایدوب عمرو بر مدت بسلمکله آت سمیروب
زیادہ متصلہ حاصلہ اولسه زید تادم اولوب ہبہ سندن رجوعہ قادراولورمی
الجواب : اولماز

★
★ ★

عمارت مشترکہ
زید عمروایله علی الاشتراک مالک اولدینی قیونک تعمیرینہ عمروک بشرط الرجوع امرایله
کندی مالندن قدر معروف شوقدر غروش صرف ایلسه زید مصروفندن عمروک
حصہ سی عمرودن آلمغہ قادراولورمی الجواب : اولور

★
★ ★

وہمی
زید صغیرک وصیسی عمرو زیدک منقولاتی اولمامغله عقارینی زیدک ضرورت فقہہ
سیچون ثمن مثیلہ بیعہ قادراولورمی الجواب : اولور

★
★ ★

ارب

زید اوکی قزی هندی قتل ایدوب بعده هندك لام قرنداشی عمرو فوت اولدقده باباسی زیدی وقرنداشلرینی ترك ایلسه زید ترکه عمروی احراز ایتك مراد ایتدکده عمروك قرنداشلری زیده مجرد عمروك قز قرنداشی سن قتل ایتمکه وارث اولمازسك دیمکه قادر اولورلرمی الجواب : اولمازلر

کتاب الفقه العثماني

فتوا خانہ عالی قرارلری

زوج غائب اوزرینه رجوع ایتك اوزره نفقه تقدیر واستدانه اذن اعطاسنده زوجہ نك تحلیفی حقنדה [*]

معتبرات کتب فقهیه ده بیان اولنان مسائله کوره حادثه ده منبروره نك تحلیفی اقتضایدر .

[*] بوبابده حلب ولایتی مرکز قاضیلکنندن ورود ایدن ۱۸ صفر ۱۳۳۵ تاریخلی و ۲۶۳ نوصولی تحریراتك صورتی :

زوج غائبك زوجہ سی زوجیتنی ومالی اقرار ایدن مودع ویاشرېك مضارب ویاخود مدیون نزدنده کی نفقه جنسندن اولان مالندن نفقه طلب ایدرسه زوجہ منبروره تحلیف وکندیسندن کفیل اخذ اولندقدن صکره مالندن نفقه فرضی بدیهی ايسه ده زوج غائبی اوزرینه نفقه فرضیه زوجنه رجوع ایتك اوزره استدانه اذن طلب ایدرسه فتاوی مهديه ده لزوم تحلیفی تصریح اولمش وکتاب النفقاتك ایکی یوز التمش ایکنجی ماده سنده قاضی منبروره قولکده صادق ايسه ك غائب زوجك اوزرینه شوقدر نفقه فرض و تقدیر ایتدم دیه مقیداً فرض و تقدیر ایدر دیو محرر بولمش ومارالد کر صورت ثانیه ده لزوم تحلیفه دائر متون فقهیه ده کی سیاق کلام لزوم تحلیفه دلالت ایدییور ايسه ده بر صراحت کوربله مامش وکندیسته نفقه فرض اولنان کسسته زوجك رجوعندن اول مالی قبض ایده میه جکی جهتله تحلیفك ثمره سی غیر ظاهر اولوب بوبابده تحلیفك لزوم وعدم لزومنده تردد حاصل اولمش اولدیغندن ایجاب شرعیسنك اراده واشعار بیورلسی باینده امر و فرمان.